

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

LXXXII. Ecclesiastica auctoritas in designandis publicarum precationum
formulis, & in eisdem indicendis asseritur. 23. Martii.

[urn:nbn:de:hbz:466:1-74696](#)

Contrariis
derogat.

Dat. die 18.
Mart. 1743.

LXXXII.

Ecclesiastica Autoritas in designandis publicarum precationum formulis, & in eisdem indicandis, assertur.

*Venerabilibus Fratribus, Patriarchis, Primatibus,
Archiepiscopis, & Episcopis.*

BENEDICTUS PAPA XIV.

*Venerabiles Fratres, salutem, & Apostolicam
Benedictionem.*

Ad Eccle-
siam pertinet
publicarum
precum for-
mulas statue-
re, easque
indicere.

Ecclesia pro
Principibus
orari iubet.

QUEMADMODUM preces ad Deum pro
Principibus effundere, valde consentaneum
est, ita convenit, ut precum ipsarum formulae
sint ex illis, quas Ecclesia usu recepit; maximè
verò si ejusmodi preces in celebratione Missarum
adhibenda sint. Præterea ad Ecclesiasticam
auctoritatem unicè spectat preces illas statuere
atque indicere; cum nulli seculari Potestatis fas
sit decernere, præcepto mandare, ut publi-
cæ preces fiant, sive ad persolvendas Deo gratias
pro beneficio aliquo accepto, sive ad illius
opem in gravi aliqua necessitate implorandam.

S. I. *Divus Paulus in prima ad Timotheum cap. 2., ut Vos bene notis, ita loquitur: Observo igitur primum omnium fieri observationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitate sunt.* Quod si expediat hoc loco proxim offendere, qua primæva Ecclesia utebat in orationibus, & precibus ad Deum pro Principibus offerendis, eam fatigare poterunt Sancti Dionysii Episcopi Alexandrini ad Præfitem Æmilianum epistola, Tertullianus in lib. ad Scapulam, & in Apologeticō, Sanctus Cyprianus in epistola ad Demerianum, Origenes in relapsō ad

Celsum, & Athanagoras in sua Legatione ad Imperatores pro Christianis.

S. 2. Multum quidem inter se convenientiū credendi, & orandi ratio. Proinde in celebratis-
mis epistola S. Celestini ad Galliæ Episcopos
additionibus cap. 11. legitur: *Observationum quo-
que Sacerdotialium Sacra menta respiciamus . . . ut
legem credendi lex statuat supplicandi.* Atque hinc
oritur, in publicis supplicationibus formulas ab
Ecclesia præscriptas esse adhibendas; præsertim
si res agatur de orationibus, qua recitari de-
beant in Missa, ut dictum est. Idecirco etiam à
Sacro Concilio Tridentino cavitur, ne preces
in Missarum celebratione adhibeantur, *prater
eas que ab Ecclesia probata, & frequenti, ac laudabili
usu receptæ fuerint.* Quamobrem in Missa
li Romano pro omni ferè necessitate existunt
piæ quidem, ac religioſæ orationes, è vetustis,
ac venerabilibus Sacramentariis opportune de-
promptæ.

§. 3. Neque verò putamus nimium progredi, immo inter æquos auctoritatis nostræ limites Nos certè confisere credimus, cùm asserimus, ad Ecclesiasticam quidem, non autem ad facultatem Potestatem pertinere, de Ecclesiasticis, ac spiritualibus rebus disponere. Magnus ille Osius Episcopus Cordubensis apud Sanctum Athanasium in Epistola ad solitariam vitam agentes, Ecclesiasticā sanè libertate, ad Constantium Imperatorem hac scriptit: *Ne te miferas Ecclesiasticis rebus, neque nobis in hoc genere precepi; sed potius ea a nobis disce.* Tibi Deus Imperium commisit: nobis, qua sunt Ecclesia, concrédidit.... Cave, ne qua sunt Ecclesia ad te trahens, magno criminis obnoxias fias. Scriptum est: *Qua sunt Caesaris, Cesari; & qua sunt Dei, Deo.*

S. 4. Ad viciniora autem tempora, & ad rem, quæ epistola huic nostræ occasionem dedit, propius accedentes, dicimus, à laicorum ipsorum tribunali abrogata fuisse atque rescissa secularis alicuius Magistratus decreta, quibus publicæ pro Principibus preces indictæ fuerant, quod ejusmodi decreta nullius auctoritatis, aut roboris esse per se innotesceret. Et non multis ab hinc annis Sacra Concilii Congregatio, Praedecessoribus nostris annuentibus, publicè abrogavit irritumque fecit secularis Potestatis Edictum, quo illa, ob partam à Principe victoriæ, indixerat pro gratiarum actione *Te Deum laudamus*, etiam protestationem inservisset de præjudicio Ecclesiastico juri non inferendo, quod nimirum facto protestatio ipsa adversaretur.

¶ 5. Ut igitur æquitatis jure, rectoque ordine omnino procedatur, monemus Vos atque hortamur, ut tum Vos, tum alii operâ vestrâ, Deum fedulò rogent pro incolumitate, ac felicitate vestrorum Principum, quemadmodum & Nos pro Principibus Catholicis quotidie facimus. Aequo libentique animo accipite, quod Potestates faculares a Vobis petant, ut pro se publicè preces fiant; atque operam date, ut Ecclesia formula in illis usurpetur, neque novæ, aut insinuatæ orationes in Missa reciperent.

§. 6. Sin autem, quod Nobis persuadere non possumus, laicalis aliqua Potestas, usu, vel consuetudine aliquā, (qua abusus revera dici debet), präsumat auctoritatem vestram in hoc minimē agnoscere, sed jure suo directe velit publicas preces indicere, immo & pœnam parere renuentibus statuere audeat; loquimini & Vos, quemadmodum Oſius ad Imperatorem locutus est. Rationes adducite, quas, qui errant, fortasse ignorant. Palam ipsis facite, hanc nullatenus esse rationem exorandi Deum, atque id, quod cupiunt, consequendi: ad Vos configurare eos debere, cūm Vos iī fitis, qui licet *ex hominibus assumpti*, tamen etsi pro *hominibus constituti in iis, quæ sunt ad Deum*, ut ad Hebræos Apostolus loquitur: nec, præter Vos, posse

ANNO

1743

Eadem, ut
credendi
normam, sic
& orandi
rationem
præscribit.

Nullum jus
potestati
laicæ in spi-
ritualia.

*Præcepta
Magistra-
tuum de pu-
blicis haben-
dis precibus,
aliâs revoca-
ta, & abro-
gata.*

Monentur
Episcopi, ut
pro Principi-
bus, juxta
Ecclesiæ Ri-
tus, orari
jubeant.

Sed Laicæ
potestati id-
ipsum forte
imperanti
non assen-
tiantur.

Si qui per-
vicaces
Fue-
rint, de iis
ad S. Sedem
referant.

Dat. die 23.
Mart. 1743.

LXXXIII.

Dei confi-
lum in sta-
tuendo Ro-
ma per BB.
Apostolos
Ecclesie
Principatus.

Quantum
debeat Ro-
mana Urbs
idem Bea-
tis Apostolis.

aliquem opus hujusmodi suscipere, & hunc sumere sibi honorem; sed qui vocatur à Deo tamquam Aaron.

§. 7. Quod si dictis non acquiescant, neque a Vobis opportunum judicetur in eos ita procedere, ut Ecclesiastica Disciplina jura exigerent; Vobis fratre mandamus, ut Nos quamprimum certiores de iis faciat, opportunis quoque transmissis ad manus nostras documentis: cùm Nos parati simus ea omnia facere, quia clarissimi Prædecessores nostri in ejusmodi occasiōibus facere conveverunt. Nolumus enim, ad Supremum Dei Tribunal vocati, de neglectis Sanctuarīi juribus sōtes judicari. Interea Vos Parerno amore complectimur, Vobisque Apostolicam Benedictionem impertimur.

Datum Romæ apud Sanctam Mariam Majorem die XXIIII. Martii MDCCLIII. Pontificatus Nostri Anno Tertio.

De die natali Beatorum Apostolorum Petri, & Pauli per totam Octavam Romæ solemniter celebrando.

BENEDICTUS EPISCOPUS,
Servus Servorum Dei. Ad perpetuam rei
memoriam.

ADMIRABILIS Sapientia Dei sublimitas, & cuius provida dispositione mundana Regna constituuntur, ut Ecclesia Fidelium, quæ Divino comitato adjutorio peregrinatur in Terris, vel amplificanda, vel exercenda, vel custodienda, alternantibus miro ordine vicibus, inserviant, voluntariam humani Generis cæcitatē, & proclivem in deteriora nequitiam secreteori confilio, & altiori pietate commiserans, cum, adveniente temporum plenitudine, sedentibus in tenebris, & ambulantibus in umbra mortis Evangelica Fidei lucem effundere decrevisset, Romanum preparavit Imperium, ut promptiores ad omnes Populos predicaret veritatis haberet accessus, quos unius Civitatis dominatio sociaret. Imbuendi autem Evangelio Mundi partibus, accepta per Spiritum Sanctum omnium locutione linguarum, duodecim Apostolis distributis, Beatisim Petrus Princeps Apostolici Ordinis ad Arcem Romani destinatur Imperii, ut ea capta, & in obsequium Fidei subjugata, facilius universus Orbis humilitati Crucis superba colla submitteret. Ad hanc postea Coapostolus ejus Paulus, alii perigratis provinciis, adveniens, labore, & meritis illi consociatus est, ut Roma tantorum Apostolorum edocet Magisterio, quæ superstitionis profanos omnium gentium cultus, atque errores receperat, veritatis amore, sancta atque immaculata unius Dei Religionis Seden evaderet.

§. 1. Ipsi enim sunt Romanae Urbis Patres, verique Conditores, qui eam Regnis Cœlestibus adscribendam melioribus auspiciis, & fortunatioribus initiis, condiderunt; non illi, quorum manibus cognato sanguine pollutis prima millennium fundamenta locata sunt, è quibus is, qui ei nomen dedit, fraterna cæde fœdata facinoris hominibus, scelerum impunitate promissa, habitandam concessit. At vero isti è tenebris Idolatria ad Fidei lumen evocatam, Evangelica veritate imbutam, Christianis ornatam virtutibus, & ad Cœli sublimitatem erectam, pretioso Sanguine suo consecrarent, & sacris Corporum suorum Sepulcris adversus furentium haeresum insidias, & fermentis infernalis hostis impetus, tanquam duobus firmissimis munivere propugnaculis. Beatus autem Apostolus Petrus, Sacerdotali Sede Romam translata, cum privilegium potestatis a Christo Domino accepta af-

omnes suos transmittat hæredes, supremi culminis prærogativam quodammodo cum ea communicavit, adeo ut per Beati Petri Cathedram, Princeps, ac Caput Orbis fieret, & in immensum Religionis Divinæ ejus cresceret dignitas, cuius latius quam dominatione terrena per totum Orbem protendebatur auctoritas. Quare eti in Sanctorum solemnitatibus communis universorum Fidelium deceat esse gaudium, cum ob fidei unitatem in acceptis a Deo per Servos suos beneficiis indiscreta sit omnium utilitas, tamen Natalis Apostolorum Petri, & Pauli Festivitas, præter illam reverentiam, quam toto Terrarum Orbe promeruit, speciali, & propria Romanae Urbis exultatione veneranda est, ut ubi præcipuorum Apostolorum glorificatus est exitus, ibi in die martyrii eorum sit laetitia principatus.

§. 2. Vivit adhuc in mente hominum, & nulla unquam delebit oblitio, vetus memoria, & recordatio, quam merito & quāritate per totum Orbem, sed præcipue in hac Alma Urbe nostra, fuerit a primis Ecclesiæ seculis celebri cultu, & splendida solemnitate Natalis dies Beatorum Apostolorum celebratus. Siquidem ea die traditum est, Romanos Pontifices Prædecessores Nostros primum in Basilica Beati Petri in Vaticano, deinde in altera Apostoli Pauli Via Ostiensi, Sacrum immortali Deo in honorem Principum Apostolorum fecisse, & Romanum Populum frequentissimo cœtu, & celebri concursu, utramque Basilicam, sacras Apostolorum Reliquias veneraturum, invisere solitus; immò ad eamdem solemnem diem ex diversis Orbis partibus innumerabilem populi multitudinem, linguis, moribus, & regionibus discretam, venerationis tamen erga Beatos Apostolorum cineres, & triumphalem Natalis eorum memoriam concordi obsequio sociatam, confluere consuevit; Episcopos etiam, aliosque Sacros Antistites, sublimes Regiasque Personas, ad eamdem solemnitatem convenire solitos fuisse, supplicefque se, suaque coronas ad pedes Pilatoris, & ad Scenofactoris monumentum, adstantibus Duciibus, & Praefectis militum, prostrernere. Hæc igitur, & alia hujusmodi diligenti animi consideratione nobiscum reputantes, vehementer solliciti sumus, ne nos, qui in tantis periculis, & adversitatibus constituti, Sanctorum Apostolorum valido Indigemus auxilio, degeneres a Majorum pietate, & devii sanctis eorum Institutis sumus, & quibus in accipiendo a Deo per Beatos Apostolos beneficiis, & donis pares sumus, impares & ingratii in sacra eorum recolenda memoria, & gratis immortali Deo agendis reperiātrit, meritoque illorum desituanur præsidio, quorum negligimus solemnitatem.

§. 3. Volentes itaque, cupientesque, Romanis Populi erga Beatos Apostolos devotionem, de quorum præsidio hanc Urbem nostram, eorum decoratam corporibus, cœlestibus illustratam doctrinis, & potenti apud Deum patrocinio semper adjutam, maximè confidere decet, quantum in Nobis est, augere, atque amplificare, hæc nostra in perpetuum valitura sanctiore statuimus, ac decernimus, ut recurrente per ordinem Natali die eorumdem Apostolorum, non solum in Basilica Vaticana, ut nunc moris est, in perwigilio ejusdem Festi, Vesperæ solemnies celebrentur, (quibus interesse solet Romanus Pontifex cum S. R. E. Cardinalibus, Patriarchis, Archiepiscopis, Episcopis, aliisque Romanæ Curia Prælatis, qui locum in Capella Pontificia obtinent;) & manè in eadem Basilica solemnem Sacrum ab ipso Rossiano Pontifice peragatur; & secunda Vespera ejusdem venerabilis diei Ecclesiastico Cantu, ac Ritu, a Capitulo, & Clero, præsente etiam S. R. E. Cardinali

Hortum Na-
tale maxima
tempore fo-
lemnitate in
Urbe cele-
bratum.

Quod etiam
in posterum
servari Pon-
tifex cupit.

Jubet non
modo diem
Festivitas;
de more fo-
lemniteter
tranfigi;